



F.M.P.  
BIBLIOTHECA

ILLVSTRISSIMO AC REVERENDISSIMO IN CHRISTO  
PATRI DOMINO D. BENIAMIN DE BRICHANTEAV,  
Laudunensium Episcopo, Duci ac Pari Franciæ, Comiti Anisiaci, Abbati S. Genouefa, &c.

IOANNES BERAULT.

**D**E CREVERAM, Antistes Illustrissime, hanc tibi præfensi præfens tabulam offerre, & sub oculis Vigilantissimi Præfulum, quem Roma præsentem venerata est, & absentem Gallie etiam nunc invidet, Cardinalitia disputationis subire discrimen. Sed quoniam hac tua supra Christi gregem, in cæteris exoptanda, pertinax non patitur diligentia: patere se adeat, & eâ quâ decet veneratione Laudunensibus tuis postibus appendatur. Scilicet non maiori studio sub Arcto positus hominibus solis vicinioris lumen, quàm tua mihi virtus quærenda fuit; cum qua sic auorum & felicitis memoria generosissimi parentis tui nobilitas consentit, ut ex mirabili cœduntium luminum mixtura, splendidissimum quoddam mihi videatur enatum sidus, remotis aequè ac vicinis, morum & in affectata eruditionis diuinitas ostendens. Huius cœlestis ignis particulam quandam quod ausus fuerim mutuari, ignoscat humanitas tua, cui si litare hoc in vno contigerit, obsequij voueo sacrificium sempiternum. Vale. Fauc.

# AD CARDINALITIAM.

## QVÆSTIO MEDICA

MATVTINIS DISPUTATIONIBVS AGITANDA IN SCHOLIS MEDICORVM  
die Iouis VIII. Martij, M. ROBERTO LE SEC<sup>Q</sup> Doctore Medico moderatore.

*An crudum in pulmone tuberculum lethale?*

**C**ORDIS par est cum vitâ necessitas, primum viuit, vltimum moritur, nec vnquam impunè læditur. Lædunt illud (si continui solutionem, quam non patitur, exceperis) externa, interna, spiritus, venena, intemperies quælibet, pus, cæco quodam naturæ instituto per vrinas, aut intestina expurgandum: omnia ferè intermedio pulmone, qui vnus respirationis (quæ saluo animali minuitur, deprauatur, nunquam, ne in apoplecticis, aut hysteris quidem, aboletur) defectu, syncopen, aut palpitationem inducit, quæ ritè mortis *ædipoua* nuncupaueris.

**P**ULMO calidus, humidus, spongiosus, à thorace solo mobilis, plurimis morborum causis pater, quas & in se fouet, & vicino cordi communicat. Per asperas, & læues arterias aërem haurit, vel intemperatum vel corruptum, humores quoque à capite, aut aliis partibus defluentes, à quibus peripneumonix, tusses, sanguinis sputa, phthises, vermes, lapides (à quibus nulla fermè pars immunis) cruda denique tubercula generantur.

**T**UBERCULA illa cruda ab omni humore, sanguine excepto, sunt: senibus familiariora, periculosiora iuuenibus. hæc aliquando nullâ aliâ ratione cognoscas, quàm pulsus omnimodâ inæqualitate, & intermissione. Egri pro sanis ambulant, non decumbunt: non febricitant, non dolent, nullâ nisi sub mortem anhelitus difficultateprehenduntur: per longioris temporis moram mortis suæ causas ineluctabiles incogitant ferunt.

**M**ORBI pulmonis, excepto tuberculo crudo, curabiles omnes. Quippe ex cognitione causæ, quæ signis perficitur, & affectæ partis naturâ, pender curatio, remediorum aprâ, & facili inuentione procuranda. Intemperies est: contrariis, vt morbi omnes, emendabitur: humor est aut lapis: anacatharsi vacuabitur. apage quæ dicuntur calculos imminuere. Vlcus est: exsiccabitur lacte humano è mammâ lacto, potius quàm caprino, aut asinino: saccharo rosaceo, aëre marino, alimentis optimi & facili succi, caneros, testudines, cochleas, ranas improbanus.

**A**Utem in tuberculo crudo quid faciat medicus? qui nulli penè quàm sibi prophylacticus est, magno humanæ salutis malo. Quis enim Deorum manus nisi in dolore vocat? hic nunquam, nisi vbi humor concretus arteriarum parietibus adhærescit. Ex difficultate anhelitus asthma esse conijciat. fluentem materiam reuellere, in parte collectam attenuare, & expurgare, sed frustra, conabitur. non in asperis, sed læuibus arteriis tuberculum latet, suppurare nequit. crudum est. parùm aut nihil proficiant attenuantia, resiccantia. vsus vini tenuis multus, aromata, acetum scylliticum, asellorum sub hydriis nascentium puluis: Cor enim in consensum trahit, tetro illud inficit vapore, aut ruptum humore obruit: hinc frequens syncope, quam nulla frigida sanauerit: hinc palpatio quam mors propinqua subsequitur.

*Ergo crudum in pulmone tuberculum lethale.*

Proponebat Lutetiæ IOANNES BERAVLT Parisi Ann. R. S. H. M. DCXVIII.